



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Bibliotheca Scriptorvm Sacri Ordinis Cisterciensis Elogiis
Plvrimorvm Maxime Illvstrivm Adornata**

Visch, Charles de

Coloniæ Agrippinæ, 1656

Incipit Liber III. Qvadripartitæ Mri. Alani de Insuli, contra Iudæos.

urn:nbn:de:hbz:466:1-38433



INCIPIT LIBER III. QVADRIPARTITÆ.

M^{ri}. Alani de Insulis, contra Iudeos.

CAPUT I.

Rationes quibus Iudei pluralitatem Personarum diuinorum impugnant.

 Icunt Iudei vnum Deum esse, sed pluralitatem personarum esse negavit. Nunc ad peruersam Iudeorum mendicitatem, quæ adhuc eum Asino exspectat ad pedem montis, nec adhuc in Moysi faciem potest intueri, nostrum conuertamus sermonem; & primo, quid de Authore omnium sentiant, videamus. Dicunt enim eundem esse Deum, & universorum creatorem, sed tres personas esse in Deitate, non credunt, nec quid sit essa personas in Trinitate attendere volunt. Vnitatem quidem essentia credunt, sed Personarum pluralitatem non concedunt. Hoc autem rationibus & authoritatibus sic probare conantur. Si unus est Deus, sicut clamat Sacra Scriptura, quomodo assentit Christianus, tres inter se distinctas, scilicet, Patrem & Filium, & Spiritum Sanctum, unius esse Deitatis? quia si plures sunt, etiam plures Dij, & non unus Deus esse videntur. Quomodo enim singularis natura unius Personæ ab aliis distinctæ, esset natura alterius Personæ? Sic ita triplex Deus esse videtur, non unus. Sed Dominus ad Israel per Moysen ait: (a) Audi Israhel, Dominus Deus noster, Dominus unus es.

Non ergo triplex, sicut Christiani dicunt hic, nugantes, Deus est Pater, Deus est Filius, Deus est Spiritus Sanctus. Alius item Pater, alius Filius, alius Spiritus Sanctus, & intetim negant tres Deos esse. Quæ est hæc monstruosa, vt in Trinitate sit Vnitas, & in Vnitate sit Trinitas. Quomodo vnum solus Deus est, si plures sint Deus? Qui hoc dicunt, Deos constituunt alienos, contra præceptum Domini qui ait: (b) Non habebis Deos alienos. Qui vnum quidem & solam esse Deum dicunt, & plures tamen esse assertunt. Si Deus voluisse ut Iudei crederent tres personas esse vnum Deum, & Trinitatem esse in vnitate, eis explicuisse sicut cetera ad fidem pertinientia explicuit: quia, vt Christianus ait, sicut ad fidem pertinet vnitas, ita & Trinitas; sed de hac nec Patriarchæ, nec Prophetæ mentionem fecisse leguntur. Item, si Pater genuit Filium, necesse est igitur generationem tempore præcessisse genitum, & aliquam particulam de substantia gignentis decisam fuisse. Item: Nulla pluralitas potest esse in Deo, ybi est summa & perfecta simplicitas. Item: Quod omnifatiæ simplex est, nihil de le gignere potest.

VLLY

CAPUT

(a) *Dominus*, 9. (b) *Exodus* 30, v. 3r.

CAPUT II.

Solutio predictorum, & quod vere unitas est in offendit, & pluralitas in Personis.

Ad primam obiectionem sic respondemus: cū dicitur unus, vel unius naturæ Deus est, nulla triū Personarū excluditur, quia ipse sunt unus Deus, & unius naturæ, veluti dici potest de his vocibus adiectiuis, albus, alba, album; qui profert enim unam, nullam aliatum vocum excludit, quia sunt unum nomen: nam licet illæ voices plures sunt, non tamen sunt plura nomina, sed unum, & unius institutionis nomina. Similiter, tres personæ sunt unus, & unius essentia Deus. Quamuis enim in naturalibus verum sit, tot esse substantias vel naturas, quot sunt substantientes personæ; tamen qui naturam creavit, naturæ subiectus non est: licet enim tres sint Personæ, unius tamen sunt naturæ; quia si pluralitas esset naturarum, plura dicerentur esse rerum principia, quod abhorret fides catholicæ. Et quamvis Deus sit trinus, non tamen est triplices, nam triplices nota partium, vel naturalium pluralitatem: in Deo autem, tres Personæ non sunt quasi tres partes que Deum constituant; quia si hoc esset, Deus simplex non esset, & sic non esset suæ essentia principium; nam omne compositum est genitum. Non sunt ibi etiam plures naturæ, quia sic plures essent dij, vel unus Deus triformis esset, quod Christiana abhorret Religio. Dicimus ergo, quod aliud est Pater, aliud Filius, aliud Spiritus Sanctus, non tamen aliud Deus est Pater, aliud Deus est Filius, aliud Deus est Spiritus Sanctus, sicut hæc vox, albus, est alia quam hæc vox, alba, non tamen aliud nomen. Dicimus etiam: quod iuxta fidem catholicam non est aliqua monstruositas, sed demonstrata veritas, hæc est, demonstrata ratione, & mode probabili. Dici-

mus quoque, unitas est in Trinitate, & trinitas in unitate, & tres esse unum Deum, non tamen constituiimus Deum alienum, cum illæ tue personæ sint unus Deus, & unius naturæ. Id est autem hoc mysterium Deus Iudaïs in veteri legi figuris velauit, sicut & alia ad fidem pertinentia, ut secundum temporis accessum, Christianæ Religionis Fides haberet progressum. Nam ante legem Mosaicam sufficiebat alicui credere quod unus esset Deus, idemque remunerator esset bonorum, & punitor malorum, ita tamen ut rectitudo viuendi responderet rectitudini Fidei. In veteri tamen testamento, seu tempore legis Mosaicæ, maiores quibus reuelatum erat, credebant Deum trinum & unum; simplices vero, venerabantur ipsos maiores, credentes quod ipsi credebant, & in hac Fide saluabantur. Postquam vero Apostoli Trinitatis fidem prædicauerunt, ubique omnes adulti & discreti tenentur credere Deum trinum & unum.

Nec oportet, si Pater genuit Filium, quod ibi facta sit decisio: cum enim Pater omniam simplex sit, de se Filium non genuit per substantiam decisionem, sed secundum naturam integratam, ita ut tota substantia Patris sit substantia Filii; quod autem Pater Filium genuerit, probabitur infra. In Trinitate vero secundum aliquid ait et adit pluralitas, & secundum aliquid identitas; quia in Personis pluralitas, in natura & essentia, identitas.

Dicimus etiam, quod in naturalibus, nullum simplex ex se aliquid gignere potest; unde nec anima animam, nec Spiritum Spiritum Spiritus: in diuinis autem, ratio longè alia pactum reformat, nec diuina generatio humanae respondet: quia sicut natura Dei omnem superat naturam, sic Dei generatio superat humanam. Unde Ilias: (a) Generationem eius quis enarrabit?

CA-

(a) Isaiae 53, v. 8.

CAPUT III.

Quibus authoritatibus, Philosophorum & Theologorum, & quibus rationibus, & similitudinibus locorum, ostenditur, quod tres sunt Personæ diuinae, & una earum natura.

Quod autem tres sint personæ diuinæ, & una earum natura, authoritatibus & rationibus, & similitudinibus varijs potest ostendi. Nec solum authoritatibus Theologorum, verum etiam Philosophorum In principio Genesios, secundum Hebraicam veritatem, legitur, Helyom, vbi nos habemus, Deus; et alibi, eloah enim est singulare nomen huius nominis, Heliom, sicut Deus, singulare huius nominis, dij. Ergo, vbinos habemus; (a) In principio creauit Deus cælum & terram, Hebrei habent, In principio creauerunt dij, vel domini, cælum & terram. Sed quos vocat Moyses deos vel dominos, nisi tres Personas diuinas? Non Angelos, quia Angeli non creauerunt cælum & terram, imo, creauit. Vnus autem Deus est qui creauit cælum & terram. Cum ergo Moyses dixerit pluraliter, deos vel Dominos, illa pluralitas aut addiuinam naturam refertur, aut ad Personam: sed non addiuinam naturam, ergo ad personam; ergo tres insinuavit personas diuinas, quae sunt unus Deus. Consequenter etiam introducitur Deus loquens in hunc modum: (b) Faciamus hominem ad imaginem & similitudinem nostram. Cum ergo Deus hic introducatur loquens, queritur, ad quem, vel ad quos loquatur, cum dicit, faciamus. Ad Angelos videtur nullo modo loqui; non enim una est imago vel similitudo Dei. & Angelorum iuxta quam factus sit homo. Restat ergo ut Deus Pater loquatur ad Filium, & ad Spiritum Sanctum; vel sit communis vox

trium Personarum, iuxta quarum imaginem factus est homo. Una autem est imago Patris & Filii, & Spiritus sancti, quia una natura. Vbi etiam diabolus loquitur ad Euam, dicit: (c) Eritis sicut Di scientes bonum & malum. Quid per Deos intelligit ibi diuina scriptura, nisi tres Personas diuinae? Angeli enim hoc nomine non intelligunt. Vt enim dicit Scriptura, in hoc voluit Deus esse similis Eua, quod appetit esse praedita diuina scientia. In Hisa etiam legitur, quod Angeli clamabant, (d) Sanctus, Sanctus, Sanctus, Dominus Deus Sabaoth. Sed quid insinuat illa trina nominis repetitio, nisi Personarum Trinitatem? id est, Patrem & Filium, & Spiritum Sanctum? ut si sensus, Sanctus Pater, Sanctus Filius, Sanctus Spiritus Sanctus. Et ut insinuetur naturæ unitas, sequitur in singulari numero: Dominus Deus Sabaoth. De Abraham legitur in Genesi, quod: (e) treu' videt, & unum adorauit. Per quod insinuatur, quod in tribus qui apparuerunt, intellexit trinitatem; & quia unum adorauit, intellexit in Trinitate Unitatem; & ita intelligitur adorasse Deum trinum & unum. De Filio etiam David ait, (f) Dixit Dominus Dominomeo, sede à dextris meis. Si Dominus dixit Domino, alius fuit qui dixit, alius cui dixit: sed Deus Pater haec dixit, ergo alius fuit cui dixit; sed eum David vocat dominum suum, ergo vel Deum vel Angelum; sed non Angelum; Angelo enim non dixit Deus, sede à dextris meis, sed potius pertinet hoc ad Filium, qui existens Deus, sed a dextris Domini, id est, aequalis est Patri. Aequales enim ledere solent a dextris Principum. In alio psalmo legitur: (g) Dominus dixit ad me, Filius meus es tu, ego habeo genu te. Exquisitè praefens coniunctit praeterito: nam praefens in se haber recentiam, & praeteritum in se haber fluxum, & futurum in se haber expectationem. Unde nihil propriè fuisse dicimus, nisi quod esse desij; nec in praesenti aliquipdi.

(a) Gen. 1, v. 1. (b) Supra, p. 26. (c) Gen. 3, v. 5. (d) Isaie. 6, v. 3. (e) Gen. 18. (f) Psal. 102. (g) Psal. 2, v. 7.

aliquid esse, nisi quod recenter incipit: nec futurum esse, nisi quod nunquam fuit, nec est. Vt, parties fuit albus, & modò est niger, & cras erit haucus. Comparatione tamen illorum quod simul durat cum eo quod iam præteriit, & adhuc durat cum eo quod modò incipit, & duraturum cum eo quod non est, sed erit; dicimus ipsum fuisse, & esse, & futurum esse. Vt scilicet, fuit homo, & est, & erit. Noluit ego Author iste dicere, ego hodiè gigno te, ne coniungendo duas notas præscatis, innueret recentiam generationis. Nec dixit, olim genui te, ne dum duas notas præteritionis coniungeret, generationis fluxum innueret. Idē dixit, ega hodie genui te, vt recentiam remoueat apponendo præteritum, & apponendo præsens remoueat fluxum. (a) Nabuchodonosor etiā qui erat gentilis, dixit se in fornace vidisse quartum similem Filio Dei. Et Mercurius Philosophus in Ecclēpiā, ait: (b) Deus aeternus facit Deos aeternos. Quid per Deum intellexit, nisi Patrem? quid per Deos aeternos, nisi Filium & Spiritum Sanctum? qui dicuntur dij, id est, diuina personæ, & verè aeternæ. Fecit autem posuit pro genuit, dum lapsus sermone, ait, fecit Deos aeternos. Idem Mercurius in libro qui inscribitur, Logostileos, id est, verbum perfectum, ait: (c) Deus summus, secundum fecit Deum, & cum dilexit tanquam filium suum unigenitum, vocauitque eum, Filium benedictionis aeternæ. O quam eleganter dixisset Hermes Mercurius, si pro, fecit, posuisset, genuit.

Iesus etiam Filius Sirach, qui inter Iudeos magnus reputatus est, in suo libro, qui liber Sapientiae inscribitur, Filium Dei in hunc modum introducit loquenter: (d) Ego in altissimi habitacui, & thronus meus in Columna nubis. Et alibi: (e) Antequam quidquam faceret ab initio, eram eum cum eo suncta, disponens. Quis loquitur hic nisi Filius, qui

cum Patre ab æterno cuncta ad ipsosuit? Et alibi ait: (f) Et ego parturiebar. Quis fuit qui ante mundi initium perturiebarat, nisi Filius Dei, quem ab æterno genuit sine initio? De Spiritu Sancto mentionem fecit Liber Genecos, vbi dicitur, (g) Spiritus Dei serebatur super aquas. Etia psalmo. (h) Fluit spiritus, & fluxerunt aquæ. Etia alio psalmo. (i) Spiritum sanctum tuum ne auferas à me. Et in Isaia: (k) Requiesces super eum Spiritus timoris Domini.

CAPYT IV.

Idem Rationibus probatur.

I Dem rationibus potest probari: quod legitur de numeris, ad numerata referendum est: quia quod dicitur de proprietatibus subiectorum, ad ipsa subiecta referendum est. Unde, cum in Arithmeticâ dicatur, quod sola unitas indivisibilis simplex, est origo omnis pluralitatis, ad res subsistentes istud videtur referendum: sed in creaturis nullum existens subsistens inuenitur actu & natura simplex, & indivisibile, quod non sit aliqua specie compositionis compositum: ergo in alio existente oportet nos inuenire illam ineffabilem simplicitatem; restat ergo & hanc esse in creatore, cum in creatura inueniri non possit. Qui à sicut ab unitate indivisibili omnis procedit pluralitas quæ indivisibilis est, ita à creatore invariabili omne procedit variabile, quia ipse manens stabilis dat cuncta moueri. Et sicut in unitate & numero resultant creatoris & creaturæ imago, ita & Trinitatis similitudo: in proprietate enim unitatis quodam modo resultat vestigium Trinitatis, quia ut apud Arithmeticum legitur, unitas gignit seipsum. Inter unitatem autem genitam & gignentem, quæ in unitate inuenitur æqualitas; in quo ergo subsistente hoc poterimus inuenire, nisi in Deo? Deus enim gignit

(a) Danielis, 3. v. 92. (b) Mercurius Philosophus. (c) Idem. (d) Ecclēsiast. 14. v. 7. (e) Proverb. 8. (f) Ibidem. v. 25. (g) Gen. 1. (h) Psal. 147. v. 18. (i) Psal. 50. v. 15. (k) Isaie 11.

gignit Deum, & non alium Deum à Deo gig-
nente, immo genuit illum qui est idem Deus cum
gignente. & est ibi perfecta æqualitas gignentis
& geniti, sine conuenientia, seu connexus, qui
dicitur Spiritus Sanctus, in quo Pater & Filius
conueniunt. Unde & Philosophus ait: (a) Monas-
tigii monadem, & in se suum reflexit ardorem. Ergo
aut in nullo subsidente inuenies quod de unitate
dicitur aut in unitate & trinitate diuina repe-
titur. Præterea, sicut Deus ab æternō fuit sa-
piens, ita sapientia sua fuit ab æternō quæ ab ip-
so procedit, & ita Sapientia Patris à Patre nasci-
tur, & sic est proles Patris: ergo Filius Patris.
Notio enim illa qua Deus & ē, & vniuersa no-
uità se condita, alia ab ipso est, quia ex ipso & in
ipso, quæ quia non est aliud in substantiâ ab eo
ex quo est, Filius nominatur, eā similitudine,
quia sicut in naturali generatione Filius à Patre
in Personâ alius est, substantiæ tamen eiusdem:
ita Dei & ex ipso productæ notionis una est
existentia, & tamen alia persona. Quia, sicut di-
ximus, eadem non potest esse ex seipso. Hoc ta-
men intereat in dictâ similitudine quæ data est,
quod in humâna generatione Patris & Filii,
una est substantia specie, non singularitate, Dei
verò & sue notionis, singularitate una est essen-
tia.

Sic igitur quod in Theologicis Filius appellatur quia est ex Deo, non idem personaliter es-
se potest, in ipso autem est tantum una deitas,
ergo diuerlorum personaliter est una essentia,
vel illa notio qua Deus nouit omnia, non est
Deus de Deo. Deus autem notionem suam dil-
igit. Quis autem est nexus & conuenientia Pa-
tris & Filii, nisi Spiritus Sanctus, qui ab utroque
procedit? Nonne de huius processione dicit
Psalmista, emittit spiritum tuum & creabuntur;
qua est enim illa Spiritus Sancti emissio nisi
Spiritus Sancti à Deo processio?

Bibliothec. Ord. Cisterc.

(a) Mercurius Trismegistus.

CAPUT V.

Similitudinibus sic.

Similitudinibus idem probatur. Vestigium
enim Trinitatis apparet in animâ, Mens huma-
na meminit lui, diligite, variè intelligite.
Hoc si cernimus, nondum quidem Domini
Trinitatem, sed imaginem Dei cernimus. Hic
enim quædam apparet Trinitas, memoria, in-
telligentia, & amoris. Hæc igitur tria potissi-
mum trætemus, memoriam, intelligentiam,
voluntatem; hæc tria non sunt tres virtus, sed una
vita, nec tres mentes, sed una mens, una essentia.
Memoria verò dicitur ad aliquid, & intelli-
gentia & voluntas, sive dilectio, similiter ad ali-
quid dicitur, vita verò ad seipsum, & mens, &
essentia. Hæc igitur tria, eo sunt unum, quo una
vita, una mens, una essentia, & quidquid aliud,
ad seipsum singula dicuntur, & simul non plurali-
ter, sed singulariter dicuntur. Eo verò tria sunt,
quo ad se inuicem referuntur, ista tria sunt in
mente hominis, & sunt una mens, nec tamen
intelligentia est memoria, nec memoria volun-
tas, nec voluntas intelligentia, aut memoria.

Aliâ etiam similitudine idem probatur: sunt
dua candela sibi unitæ, sibi similes, sibi æqua-
les; si accendantur, unam habent lucem, nec
maior, nec magis vnius lux quam alterius. Sed
trium est lux una & individua, sicut in una Tri-
nitate sunt tres personæ, nec una persona maior
quam alia, nec vnius maior vel alia natura quæ
alterius. Pater autem spiritualiter dicitur lux,
Filius splendor, Spiritus Sanctus flamma. Ideo
Pater dicitur lux, quia lucet à seipso, non ab
alio; & quia ab eo lucet lux illuminans, id est, Fi-
lius, & lux inflammans, id est, Spiritus Sanctus,
Filius ideo dicitur splendor, quia sicut splendor
procedit à luce & splendore, ita Spiritus San-
ctus

Ggg

æus

C Vnde
B
S
C
S
I

Etus à Patre & Filio: & sicut flamma tria facit, vrit, splendescit, succendit; sic Spiritus Sanctus vrit vitia, splendescit peccata, succendit gratia, Similiter in Sole considerantur tria, Solis substantia, radius à Sole procedens, calor ab utroque exiens. Ista tria in Sole considerantur, & sunt in una Solis substantia, Sol ad nullum, radius de Sole nascitur, calor ab utroque progeditur: tam radius quam calor coeūus est Soli. Tres ergo sunt, Sol, radius, calor, in una tamen substantia sunt. Similiter, Pater & Filius, & Spiritus Sanctus, sunt in una deitati substantia, Pater à nullo, Filius à Patre, Spiritus Sanctus ab utroque Pater & Filius, Filius & Spiritus Sanctus coeterni Patri.

CAPUT VI.

Opinio Iudaorum, qui dicunt quod lex Mosaicæ non est abolita, sed adhuc est obseruanda.

Intendunt etiam probare, legem Mosaicam non esse aboliram, sed adhuc esse obseruandam in hunc modum: si lex bona est, & à Deo data est, obseruanda est, nullum enim alijs decretum obseruandum, si Dei mandatum non obseruandum. Quod si partem Christiani excipiunt, & aliam obseruandam esse dicunt, dent nobis consilium, quomodo illud effugiemus maledictum; (a) *Maledictus homo qui non permanferit in omnibus quæ scripta sunt in lege.* Legislator nihil excipit, sed vniuersaliter omnia mandata obseruari præcipit; Christiani autem ad suum arbitrium, legis & mandatorum obseruantiam determinant.

CAPUT VII.

Determinatio Præmissorum.

A Dhæc respondemus, legem esse bonam, & à Deo datam dicimus, ac ideò, quid-

quid in eis scriptum est, diuino sensu intellectu, suis temporibus obseruatum & obseruandum esse sentimus; ea vero diuino intellectu intelligenda erant, quæ si ad litteram accipimus, multa sibi repugnantia videmus. Cum enim Moses dicat, (a) *Vidit Deus cuncta quæ fecerat, & erant valde bona;* quid est quod in lege quædam dicantur munda, quædam immunda? Ad litteram quidem non est immundum, quoniam est validè bonum: nec solum ea prohibentur in lege, quæ sui naturæ nocuâ sunt homini ad vescendum, verù etiam quæ gustu iucunda, & æque salubria ad comedendum existunt. Aliquid ergo sacramenti hæc in se continent, quæ licet à Deo dicta sint, tamen à se inuicem ad litteram omnino dissident. In exordio autem, inter alia precepta, de faciendo altari Dominus Moysi ibi ita præcipit: (c) *Altare de terra facietis mihi; in sequentibus autem legitur sic:* (d) *Fecit itaque Moses altare thymiamatis de lignis Setherim.* Et alibi: (a) *Funduit bases anæas in introitu Tabernaculi.* Multum itaque aduersum videtur, ut aliud & aliter quam Dominus per Moysen iubet, ab ipso Moyle agat. Aliter ergo quam littera sonat hoc accipio portere.

Item, ad litteram quomodo stare potest, quod Deus prohibet, (f) *ne homo arat in Boe & Aſino?* Onus aliud quocunque tibi placet Aſino imponere, non vetat lex, & ponere iugum cum Aſino, quasi non licet, cum ad pascuam bouem cum Aſino ducere licet, in pascuis simileſſe, & compasci permittit lex, & arare simul prohibet, & interdit. Si autor propterea hæc vetat, quia hoc animal immundum esse perhibetur, cur non etiam arare bouem cum equo vel alio animali immundo prohibetur in lege, hanc non solum in ijs quæ dicta sunt mandatis, sed etiam in pluribus alijs legalibus ceremonijs contrarietatem videmus, nisi ea competenti

(a) *Deut. 27. v. 26.* (b) *Gen. 1. v. 31.* (c) *Exodi. 20.* (d) *Exodi. 37.* (e) *Exodi 26, & 27.* (f) *Deut. 22. v. 10.*

renti sensu intellexerimus. Discreto itaque & diuino sensu hæc intelligenda sunt & discutienda. Si vero legem debito sensu accipimus, omnia legis mandata debitâ obseruazione obseruare poterimus; quædam ad litteram, & sine ullo figuratum velamine dicta esse accipiendo, quædam ad figuram, & profundo velamine obumbrata esse intelligendo; quædam ad tempus obseruari iusta sunt, quædam sine illa temporum determinatione. Quæ enim alicuius Sacramenti prænunciatiua erant, & veritatis figuram faterentur, suo tempore, manifestatâ rei atque veritatis præsentia, oportuit ut eorum non remaneret prænunciatio & figura. Nam sicut ipso suo loquendi sensu vtimur verborum vi-
eis studiibus, dicendo, erit, quamdiu futurum est ipsum quod erit; prorsus omittentes in præsenti, & assumendo, est: cumque ipsum iam præterisse significantes, vtimur, fuit, sic in rebus prænunciatiuis alicuius Sacrameti, ubi præsens manifestatur Sacramentum, eiusā superflue seruaretur figura, seu signum. Quæ alicuius ministerij significatiua non erant, sed seu fidei veritatem insinuant, seu charitatis ædificatioem commendant, ea à ludicris & Christianis, non ad tempus, sed in perpetuum seruanda sunt, eorumque transgressio nullatenus potest mala non esse.

CAPUT VIII.

*Opinio Iudeorum, qui dicunt quod diuine sanctiones
vitare, non sunt mutanda.*

Item Iudæi sic opponunt: si Sermo Dei ad tempus seruandus est, eoque sermone annihilato, alius alio tempore obseruandus est, sic que per temporum vicissitudines diuinæ sanctiones mutantur, quo pacto ratum erit quod

dicitur, (a) In aeternum Domine permanet verbum tuum: Et illud, (b) Caelum & terra transibunt, verba autem mea non transibunt: (c) Quid autem interest, cur Deus hoc animal immundum iudicet, illud autem mundum? Hoc vti permittit, illi vti prohibeat? (d) Quis enim audius sensum Domini, aut quis consiliarius eius fuit, vt illud agi permittat, illud fieri prohibeat? Iussis obsequendum est, & ei obsequi summa virtus est: prohibuit fieri, ergo non licet, ideoque si postea fiat, peccatum esse, ac dignum pena debita puniendum: vt ergo seruemus litteram, figuram contemnamus; litteram, vt seruemus alterum. Quæ ratio ergo est damnare alterum? Seruemus ergo litteram, seruemus & littera figuram: maneat parvus sensu nostro littera, maneat etiam & addatur spiritualis (si concessa sit nobis à Deo) mystérii latentis intelligentia. (e) Abstineamus à porco, quia lex iuber, abstineamus & ab eo, si quid est quod per porcum significatur peccatum; non aremus in Boue & Alino, quia legislator prohibuit, & si aliqua intellexerimus per Alini & Bouis copulam, fas est vitare, immo peccatum est non evitare. Ita & de cæteris. Ita enim lex adimplenda esse censetur, & adimpletur.

CAPUT IX.

Solutio Præmissorum.

ADhæc dicimus, quod sermo diuinus null modo annihilarur, diuinæ sanctiones non mutantur; (f) quia Christus non venit soluere legem, sed adimplere. Vnde ipse ait: (g) Amendicorobis, tota in unum, aut unus apex non praterib[us] alege, donec omnia siant. Non igitur vult eam soluere, sed adimplere. Lex prohibet homicidium, Christus iram & odium: lex prohibet adulterium carnis, Christus & ipsum appetitum cordis. Ggg 2 Nobis

(a) Psal. 118. v. 89. (b) Marci 13. v. 31. (c) Matth. 24. (d) Isaia 40. v. 13. (e) Luiti 11. v. 7. (f) Matth. 5. (g) Ibidem. v. 18.

Nobis lex prohibet ut carne porcinâ, & ea tunc abstinentia nobis necessaria erat, quoniam veritatis futura figura erat, & figura seruanda erat, donec ad eam ipsa veritas; nunca autem nobis necessaria non est, quandò ipsa veritas figura iam præsens adest: quamuis abstinere licet, & multi nostrorum abstineant non solum ab ea, sed ab omni carne, & uno & eodem iudice se nostrum quicque fuerit. (a) Moyses carnem suillam appellavit immundam, uti ea non prohibet, & propterea dicitis, uti ea non licet: Moyses non alius, sed idem ipse carnem suillam dicit mundam & valde bonam, & eam ad vestendum sicut cetera scribit Deum fecisse bonam, & ideo dicimus quia uti ea licet. Postquam enim denunciavit Deum fecisse omnia, & Pisces maris, & volucres cali, & cuncta animantia terræ, in quibus est anima viuens, non longè intrâ, subdidit: (b) Vidi: Deus cuncta qua fecerat, & erant valde bona. Quod valde bonum est, nulla ex parte malum est, quod vero nulla ex parte malum est, quomodo malum & immundum est quidquid ergo in carne suilla est, non malum aut immundum, sed mundum & valde bonum est, atque uti licet. Quia vero per hoc animal voluptas & immunditia figuratur, immundum propter hoc animal esse iudicatur, & ea immunditia uti non licet. Si ergo mundum & immundum esse animal intelligitur, & eo uti, & non uti nobis permittitur. Eadem ratione licet & asino arare, & prohibetur ne aremus in Boue & asino. Qui ergo terram colit, aret in boue & asino, si melius non potest, quia Deus permittit, qui hæc omnia humanis vísibus creauit. Sed vos qui vngulanis fidit & ruminat, ad excolendam terram omnino idoneus, Rectorem Ecclesiæ signat discretum, in his quæ agit sensum habentem, qui mandata Dei meditatur, ac

meditando apud se ruminat die ac nocte, non solum sibi utilem, sed etiam alijs. Huic non est associandus alter moribus indiscretus, sensu Idiorum, & litteris imperitus, quia non solum verbo est inutile, sed suo exemplo alijs nocivus existit.

CAPUT X.

Quibus Authoritatibus & rationibus probatur, quæ Lex quantum ad litteram, mortua sit.

Unde aut vetus Lex in deuerudiné abierit, authoritatibus & rationibus potest probari. Ait enim Dñs, per Prophetam, (c) Consummatio Testamentum nouum super domum Iuda, & super dominum Israel: Quid vocavit nouum testamentum, nisi legem Euangelicæ qua superueniente, vetus dicitur cessare, quia simul seruari non potest veraque adueniente enim veritate, dicitur umbra et ilare. Item, David ait in psal: (d) Quoniam si voluisses, sacrificium dedi sem vrique, holocaustus non delectaberis. Et Ilaias: (e) Sacrificia vestra odit animazea. Item: (f) Sacrificium & oblationem noluisti, aures autem perfecisti mihi. Holocaustum & pro peccato non postulasti, &c. Et alibi: (g) Non in sacrificiis tuis arguam te, holocausta, &c. (h) Non accipiam de domo tua vitulos, neque de gregibus tuis, Hircos. Videamus etiam apud Iudeos in magna parte cessare quæ ad legem pertinent; non enim est apud Iudeos sacrificium, vel hostia, non Propheta, non Lex, non Sacerdos, non templum, non locus Sacrificij, &c. quid opus ire per singulam in maximâ parte abolita est Lex: videtur ergo quod Lex locum non habeat. In Sehale etiam loquitur Helyas, quod mundus duraturus est per sex-millia annorum, & duo milia fuisse vanitatis, quod resurget ad tempus quod fuit ante legem Mosaicam, duo vero millia.

(a) Leuitici. II. (b) Gen. I. 31. (c) Baruch, 2. p. 35. (d) Psalm. 50. (e) Iaia 1. (f) Psalm. 39. (g) Psalm. 42. p. 8. (h) Ibid. p. 29.

millia legis Mosaice, sequentia duo millia, Messiae. Sed manifestum est, plusquam quatuor annorum millia transisse; ergo manifestum est legem transisse, & Messiam venisse.

CAPUT XI.

Quibus rationibus muniti Iudei, probant Messiam non venisse.

Probat etiam Iudei Messiam non venisse, in hunc modum: ait Isaías: (a) Erit in nonius finis diebus mons domus Domini preparatus in vertice montium. & fluent ad eum omnes gentes, venite & ascendamus ad montem Domini, & ad domum Dei Iacob. Si autem iam Christus venit, ubi in toto Orbe terrarum nisi apud gentes & aperculam Iudeorum, dicitur, ascendamus ad montem Dei Iacob? Alij enim dicunt, eamus ad domum Petri, alijs ad domum Pauli, alij etiam, ad domum Martini, sed nullo modo ad domum Dei Iacob. Audiant adhuc Christianide Aduentu Christi sequentia: (b) Et conflabunt gladios suos in vomeres, & lanceas suas in falces; non leuabit gens contra gentem gladium, gens contra gentem effusis viribus prelatur, regnum aduersus regnum excitatur, ab ineunte ipsa puerilitate quisque ad prælium exercetur. Constat ergo, quod Christiani aliter longè de Christo & de adventu eius quam verum credit, credant.

CAPUT XII.

Solutio Christianorum;

A Dhæc respondentes, dicimus, quod iam venerunt illi dies nouissimi, in quibus preparatus est: Mons Domini in vertice montium. Mons ille, Christus est, in quem iam vniuersitatem terre credunt, iam adorant in conspectu eius vniuersitatem familiæ gentium, & una concordi voce dicunt, (c) Eamus ad montem Domini, & ad domum Dei Iacob, id est, ad domum Dei quem coluit Iacob, quem coluit Aaron, ideo ostenditur unum Deum esse & eorum qui ante legem fuerunt fideli, & eorum qui sub lege extiterant, & eorum qui nunc existant credentiam in Deum. Quod autem argunt nos super hoc quod dicimus, eamus ad domum Petri, ad domum Pauli, ad domum Martini; nullus quis sanè sapit, hoc ita dictum intelligit: nullam quippe domum Petro vel Paulo facimus, sed in honore atque memoria Petri seu Pauli, eam Deo dedicamus, nec vlli Pontifici dicere fas est: in consecratione ecclesiarum, tibi Petro vel Paulo hanc domum consecramus, sed potius dicitur Deo consecrari. Et quamvis vniuersitatem Ecclesie Deo consecrantur, tamen una est dominus Dei, una Dei Ecclesia, quæ est, omnium fidelium Conuentus.

Ad hanc domum Dei accedit, qui de unitate Ecclesie est; in hac domo Dei adoratur mons montium, & Christus, Sanctus Sanctorum. Hic peccata remittuntur; non scilicet homicidium prohibetur, verum etiam ira & odio tollitur; ut gladio & lancea non permittitur, quia qui renunciat ira & odio, fas illi est ut renunciet lancea & gladio: multo quippe facilius est confidare gladium suum in vomerem, & lanceam suam in falcem, quam timore cordis submissio, humilem.

Ggg. 3.

humilem.

(a) Isaïa 2, v. 2. & 3, (b) Ibidem. v. 4, (c) Supradic.

humilem fieri ex superbo, seruum ex libero, abnegare vxorem, domum, filios, agros, arma, equos, & omnia quæ possidet, ad hæc, ut seipsum abneget. In hac domo Dei adimpleretur quod per Iaiam dicitur: vitulus, Leo, ouis, simul morabuntur, & puer parvulus minabit eos. Parvulus Leonem & Vrsum minat cum agno cum in domo Dei Pastor, id est Prælatus, Novili & ignobili, potenti & impotenti, forti & infirmo imperat, puer non tenet, sed malitia parvulus.

Quod autem Christus iam venit, varijs auctoritatibus probatur; ait Iacob: (a) Non auferetur Sceptrum de iudea, nec dux de semore eius, donec veniat qui miscendus est, & ipse sit expectatio gentium.

Sensus est, quod Reges vel duces Isaelitici populi de tribu Iuda descendentes, duraturi erunt, usque ad aduentum Christi, qui est expectatio gentium. Regis fuerunt in Israël de tribu Iuda, a David usque ad Iosiam, postea duces, usque ad Nativitatem: sed tempore Nativitatis Christi, regnauit alienigena, Herodes, nec postea ducem vel Regem habuerunt Iudei de tribu Iuda: ergo Messias venit.

Idem manifestè ostenditur ex verbis Danielis; in I, enim capitulo ubi introducitur Gabriel loquens ad Danihel in hunc modum, (b) septuaginta hebdomades abbreviate sunt super populum tuum, & super urbem tuam sanctam, ut consummetur prevaricatio, & si enim acipiat peccatum, & deleatur iniurias, & ad iucatur iustitia sempiterna, & impleatur visio, & Propheta, & vngatur Sanctus Sanctorum, scito, & adiuerte ab exitu sermonis, ut iterum efficietur Hierusalem usque ad Christum ducem, (c) Hebdomades septem, & Hebdomades sexaginta duas erunt. His verbis, Christi incarnationem deligat Angelus, qui legem & Prophetas impleuit, peccata tulit, & iustitiam adduxit, & vincitus est leo latitiae, (d) praecorsibus suis; & propo-

ni: Hebdomadas non dierum, sed annorum, ut septem anni sint hebdomada una; abbreviatae vero dicuntur, ut intelligamus annos Lunares, qui breuiores sunt Solaribus, undecim diebus. Septuaginta ergo hebdomadas annorum Solarium, faciunt annos quadringentos septuaginta quinque. Et vero, ab exitu Sermonis ut recordetur Hierusalem, usque ad Christum ducem, fluxerunt anni Lunares quadringenti nonaginta; numerantur autem, a vigesimo anni Attakerxis, in quo Nehemias Pincerna eius impetravit ab eo, ut restituissent muri Hierusalem, & restituit eos in multa angustia. Ab illa inquam licentia a Rege accepta, & usque ad Christi passionem, fluxerunt anni Lunares quadringenti nonaginta; & haec summa annorum computatur, secundum annos Regum qui descendebant, usque ad octauum decimum Tiberij Cæsaris, & statim desolatio. Intercidit Daniel modicum de ædificatione facta per Nehemiah, dicens, & rursus ædificabitur platea, & muri in angustia temporum, de septuaginta Hebdomadis supervenit Daniel ultimam dicens: confirmabit autem pactum hebdomada una; quod intelligendum est, de tribus annis & dimidio quibus predicauit Christus, & quod Patribus promiserat confirmauit. Nam iam tres anni & dimidium viii hebdomadis nouissimæ præterierant, quando baptizatus est Dominus, & in dimidio eiusdem hebdomadis residuo, circa finem, deficit hostia & sacrificium, id est, veniente veritate cessabunt umbras, & in templo erit abominatione desolationis; id est, abominanda & desolanda erunt sacrificia post mortem Christi, & usque ad finem mundi durabit haec desolatio. Supradictum posuit Daniel tempus mortis Christi, dicens, & post Hebdomades septuaginta duas (subaudi, & septimam & nouissimam, quam in duas partes diuisimus) occidetur Christus, &

non

(a) Gen. 49.9.10. (b) Danielis 9.2.24. (c) v.25. (d) Exponitur locus Danielis.

non erit populus qui eum negaturus est. Dixerunt enim, non habemus Regem, nisi Cæsarem. Et alibi, hunc nescimus unde sit. Quod vero sequitur, & ciuitatem & sanctuarium Dei dissipabit populus, ad septuaginta hebdomades non pertinet, sed Propheta de tempore Aduentus & mortis Christi prophetauit, quid venturum erat Populo qui noluit eum recipere dicens: & dissipabit ciuitatem & sanctuarium populus Romanus cum duce suo venturo, & finis erit vastitas, & post finem belli, statuta à Deo in æternum desolatio. Ex his, manifestum est Christum iam venisse.

Quarto etiam à Iudæis, pro quo peccato in tantâ miseria sint constituti, & in tam diuturnâ captiuitate detentis. Antiquitus enim captiuitas eorum vel per septuaginta annos, vel Paulo amplius legitur prolongata fuisse, peccatis eorum exigentibus; sed paenitentiâ ducti, à captiuitate liberabantur: At, post passionem Christi, in captiuitate continuè detentis sunt, iam per mille annos & amplius; sed pro quibus peccatis tam diuturnâ captiuitate detinentur, cum non transgrediantur modò legales obseruantias, sicut olim transgrediebantur, nec leguntur vñquam melius legem obseruasse, quam modò obseruant. Restat, quod pro peccato quod commiserunt in Christum, modo puniantur.

CAPUT XIII.

Quibus autoritatibus probant Iudei Christum non fore Deum.

Probat etiam Iudei, Christum non fore Deum, autoritatibus, sic: (a) Non assumes nomen Dei tui in vanum. In vanum nomen Dei assumit, qui homini nomen & cultum diuinitatis attribuit; nam si (b) vanitas est omni homo, qui hominem Deum credit, & Deum appellat, homi-

ni nomen cultumque diuinitatis attribuit. Item, in lege scriptum est, (c) Qui fecerit se Deum occidatur. Nullus ergo homo est Deus. Præterea, si (d) nulla est apud Deum transmutatio, nec vicissitudinis obumbratio, quomodo penes eum potest fieri tanta rerum alteratio, ut Deus homo fiat, Creator creature, & incorruptibilis credatur esse factus corruptela? Quomodo accipitur, (e) In principio Domine, terram fundasti, & opera manuum tuarum sunt oculi ipsi peribunt, tu autem permanes, & omnes sicut vestimentum veterascent; tu autem idem ipsis es, & anni tui non deficiens. Quomodo idem Deus ipse est, si alteratus, homo potest fieri? Si Deus est immensus, quomodo parvus humanorum diuisione membrorum potuit dimensum circumscribi? Si Deus est immensus, & incircumscripus, quo argumentationis genere dicitur, quia dimensione corporeâ circumscriptus, totus sub angusto uno Matri vero potuit comprehendens teneri? Adhuc, si Deus est quoniam maius vel sufficientius cogitari potest, qua necessitate coactus, humanæ calamitatis particeps, tantorum factus est consors malorum? Denique, si Deus factus homo, quomodo stabit quod ipse locutus est ad Moysem, non videbit homo & viuet? Multum repugnare videtur, ut Deus homo factus sit, & ab homine, vel ipsa matre sua videri non potuit. Absit enim ut aliquid phantasticum circa Deum fuisse credatur.

CAPUT XIV.

Solutio Christianorum:

Ad hæc dicimus, quod necessitas maxima fecit ut Deus homo fieret, & per humanitatis suæ mysterium nos redimeret: Nationabile enim fuit, ut sicut per peccatum hominis genus humanum perierat, ita per hominem redundaretur.

(a) Exodi 20, v. 7. (b) Psal. 8, v. 6. (c) Deut. 13. (d) Iacob. 1. (e) Psal. 101.

ceretur ad vitam. Sed purus homo humanum genus redimere non poterat, ut supra dictum est, quia hominis non est opus bonum, sed Dei: bonum enim quod fit in homine, à Deo est, nō ab homine. Ad hoc ergo ut bonum ageret ex se, oportuit eum esse diuinæ naturæ; ex hoc ergo quod Deus homo fuit, bonum opus facere potuit, & non solum actione, sed etiam autoritate, quo genus humanum potuit redimere. Homo igitur factus est, non id destinans esse quod erat, sed assumens quod non erat, non conuerzione diuinitatis in carnem, sed assumptione humanitatis in Deum, dicimus hominem factum. Et sicut anima rationalis & caro propter unitatem personæ, unus est homo, quamvis alterius naturæ sit anima, alterius caro: nec anima conuertitur in carnem, nec caro in animam, sed manente virtute naturæ, personæ conseruatur unitas. Ita Deus & homo per unitatem Personæ, unus est Christus, quamvis Deus nec in hominem conuersus fuerit; nec homo in Deum, sed diuisa sit hominis & Dei naturæ, indiuisa Dei & hominis persona, conseruetur & adoretur unitas: neque enim omnia quæ ab aliquo modo sunt aliud quam erant, destinari desse quod erant. In accidentium enim quorundam alteratione, cum homo niger sit albus, seu albus niger, supertuentur altero, perit omnino alterum; & cum sit ex incertis factus armatus, vel ex nudo induitus, seu ex induto nudus, nihil prorsus in se sic alteratus homo vel accipit vel amittit. Suscepit ergo Deus hominem in unitate Personæ, in genita honestate sua, non nostra, ex multa necessitate, non sua, sed nostra. Ergo Deus immutabilis secundum quod Deus, mutabilis secundum quod homo; incircumscripturn in diuinitate.

te, circumscripturn in humanitate, inuisibilis secundum diuinitatem, visibilis secundum humanitatem. Et sic non assumitur nomen Dei in vanum, quia Christus non tantum est homo, sed Deus, cui nomen cultusque diuinitatis adscribitur. Nec est reoens vel recenter Deus, qui aeternus Deus & ab aeterno Deus, nec ipse fecit seipsum Deum, quia substantialiter est Deus. Ille enim facit se Deum, qui singit se esse Deum, cum non sit. Nec est Deus alienus, qui vere est Deus; dicitur vero gentium alieni dicitur, quia falso dicitur nuncupantur.

CAPUT XV.

Quibus Authoritatibus probatur Christum esse Deum.

Christum autem esse Deum, multæ probant authoritates. Ait enim Hieremias: (a) *Hic est Deus noster, & non estimabitur alius ante eum: hic adiuuenit omnem viam disciplinæ, & dedit illam Iacob puer suo, & Israel dilecto suo; in terra visus est, & cum hominibus conuersatus est.* (b) Item Michæas ait: *Et tu Berthleem Ephratha nequaquam minima es in millibus Iuda; ex te enim egredietur dux qui regat populum meum Israel, & egressus eius ab initio, a diebus aeternitatis.* De eodem ait Isaïas: (c) *Prepara te Israel in occursum Domini Deitui.* Et alibi de eodem ait: (d) *Et vocabitur nomen eius, admirabilis, consilarius, Deus, fortis, pater futuri facili, Princeps pacis.* Et alibi: (e) *Propterea scelus quidem populi mei percussisti eum, non propter suum, ac si dicat Pater: Permisisti quidem Christum pati, non propter peccatum suum, sed propter populi dilectionem.* Quia videlicet Isaïas testatur, (f) *ipse peccatum non fecit, nec inveniuntur est dolus in cretus.* Si ergo verum est quod B. Iob testatur, (g) *Non est homo qui non peccet,*

(a) Baruch 3. v. 36. 37. 38. (b) Mich. 5. 2. (c) Amos 4. v. 12. (d) Isaia. 9. v. 6. (e) Idem 53. 8. (f) Ibidem. v. 9. 1. Peiri. 2. 22. (g) Iob. 14. v. 4. secundum versionem LXX, vid. Cyprianum, 1. contra Iudeos, & S. Leonem, Serm. 1. de naturitate.

peccet, nec infans cuius est vita vnius diei super terram, Si verum est quod David testatur: (a) Omnis homo mendax; & alibi: (b) non iustificabitur in confessione eius, omnis homo viuens; plusquam homo est, qui peccatum non fecit. Dicitus est Christus Emmanuel, id est, nobiscum Deus, hoc est, Deus manens in natura nostra.

CAPUT XVI.

Quibus authoritatibus muniti, dicunt, Christum non esse conceptum de Virgine.

Conantur etiam praedicti assertere, Christum non esse conceptum de Virgine. Ait enim authoritas: (c) Rorate celi desuper, & nubes pluant iustum, aperiatur terra, & germinet Salutarem. Quid per terram significatur, nisi Maria Mater Christi? qua est huius terrae apertio, nisi Mariae desfloratio? In Ezechiele etiam legitur, (d) quod clausa porta aperietur Principi. Quid per Principem intelligitur, nisi Christus, Filius Ioseph? Et de ipso Christo, mater eius ait: (e) Ego & Pater tuus dolentes quarebamus te. Præterea, quomodo potest aliqua concipere vel parere, nisi viro cognitus? Vbi autem Christiani dicunt, ecce virgo concipiet & pariet Filium, textus Hebreus non habet, Virgo, sed potius, abscondita, vel occulta.

CAPUT XVII.

Solutio Christianorum ad prædicta.

His authoritatibus respondendo dicimus, quod per apertiem non intelligitur desfloratio, vel libidinis fæditas, sed conceptionis secunditas: aperta fuisse dicitur quantum ad Christi ingressum, non aperta per virum, sed sicut fenestra vitrea dicitur aperiti radio Solis,

Bibliothec. Ord. Cisterc.

(a) Psal. 115. (b) Psal. 142. v. 2. (c) Isaie 45. 8. (d) Ezech. 44. (e) Luca 2. 48. (f) Isaie. 7. (g) Isaie. 7.

Mpræ.

non per tracturam vel per divisionem aliquam, sed quia radius eam intrat secundum sui subtilitatem naturæ. Hoc modo, imo subtiliori, dicitur porta clausa aperta esse Principi, quia Christus uterum Virginis, per virginitatem clausum, intravit ineffabili modo. Christus autem dicitur fuisse Filius Ioseph, quantum ad hominum opinionem, & quantum ad educationem. Secundum quam acceptiōē illi qui alios nutriunt, eorum Patres dicuntur. Verum est, quod sine cognitione viri lege naturæ nulla potest concipere vel parere, sed in miraculis non est quærenda lex naturæ. Illud autem quod Iudei negant scriptum esse in Isaia, f) Ecce virgo concipiet & pariet, &c. Septuaginta interpres, viriside & scientiā approbati, ita interpretatisunt, & ita interpretari voluit ipse Propheta, dicendo, & scribendo, ecce, abscondita, dicunt, concipiet, & pariet Filium, sed si communī sensu abscondita, id est, domi reclusa intelligitur, & nihil aliud, quid mirum, quid nouum, in eo concepti, & eius mysterij signum esse voluit cum ait: (g) Propter hoc dabit Dominus ipse vobis signum, ecce abscondita concipiet, &c. Hæc igitur nisi subtilius intelligantur, puerili omnino sensu & ipsani dicta esse a Propheta considerantur; quod quia credi & dici absurdum est, sensus est: abscondita, id est, ab amore virili & omni contagione peccati conservata, concipiet. In Syro etiam idiomate, quod affine est Hebraico, Alma interpretatur, virgo, & vbi habemus, virgo, in Hebreo habetur, alma.

CAPUT XVIII.

Quibus authoritatibus & rationibus probatur quod B.
Virgo manens intacta, Christum concepit.

Quod autem gloria virgo manens virgo concepit, & sine virili semine, multiplex in-

Hhh

singuat

sinuat authoritas, & multiplex etiam ratio. In Ezechiele legitur: (a) Et dixit Dominus ad me, porta hac clausa erit, & non aperietur, & vir non intrabit per eam, quoniam Dominus solus ingressus est per eam, & erit clausa Principi, Princeps ipse sedebit in ea, vt comedat panem coram Domino, per viam vestibuli porta ingrediatur, & per viam eius egredatur. Hoc, ad litteram nemo potest explere; nam Dominus Deus qui per Prophetam loquitur, ait: (b) Calum mihi sedes es, terra autem scabellum pedum meorum. Et alibi: (c) Calum & terram ego implebo. Si inquam Dominus Deus Israel totus ubique est, vnde ingressus est per portam illam, & quo ingressus est, si Deus incircumscriptus? Quomodo enim in portâ sedere ad litteram accipi oportet? Quomodo clausa erit Principi, si Princeps ipse Dominus Deus Israel ingressus est per eam, & sedebit in eâ: vt comedat panem coram Domino, quem panem, vel cuiusmodi panem? vnde factum est, vel vnde delatum est? Comebat Dominus Deus Israel, & coram Domino, quis est alius ipse Dominus, vt comedat coram eo panem Dominus Deus Israel? Quia ergo ad litteram hæc accipi non possunt, per portam, aliud intelligi oportet, vt omnia considerentur, & considerata fieri posse videantur. Dominus ergo Deus Israel ingressus est per portam illam, ad nos egressus exiit, quia Deus homo factus in utero Virginis ex carne Virginis (non aliter ab originali peccato foret immunis) sicut in psalmo dicitur, tanquam Sponsus procedens de thalamo suo, ad nos homo exiit, atque Hieremia testante, in terris vilis est, & cum hominibus conuersatus est. Porta hæc erit clausa, quia vita clausa erit, nec vir transibit per eam; clausa Principi seruabitur, vt per eam ingrediatur, quia Dominus Deus Israel ingressus est per eam: neque enim ante conceptionem & par-

tum mater eius viro cognita fuit, quoniam clausa porta erit, & vir non transibit per eam; neque post conceptionem & partum Christi, mater eius viro cognita fuit, quoniam clausa erit, & clausa seruabitur Principi, quoniam & totum hoc Dominicæ incarnationis mysterium sola virtute diuina sine humano contagio peractum est. (d) Quod dicit Isaías, Rorate cali desuper, & nubes pluant iustum, Rore, inquit, & nube cælesti, hoc est, sola creatione, & operatione Dei, sicut paulò post subdit: Ego Dominus creavi eum. Aperta est terra, id est uter Virginis, & protulit Saluatorem. Princeps ipse sedebit in ea, quoniam in ea quoque humanitate quam Christus pro nobis assumpsit, omnia sibi subdita accepit. Item Isaías ait: (e) Generationem eius quis enarrabit? Si eâ lege nascendi natus est Christus, qua alius homo, cur generatio dicitur inenarrabilis? Per hoc ergo quod inenarrabilis dicitur, aliud modus nascendi in Christo fuisse intelligi, secundum quem ipse concepus est sine virili semine, Spiritus sancti operatione; & sic, mater Christo virgo permanens, Christum concepit. Item, si Christus conceptus est de virili semine, & seminibus Patris & matris conceptus est, in pruriu libidinis conceptus est, & sic in peccato natus: quia omnis in concupiscentiâ natus, peccato est obnoxius. Vnde David loquens in personâ humani generis, ait: (f) Ecce enim in iniquitatibus conceptus sum, & in peccatis concepit me mater mea. Et in lege præceptum fuit, vt octaua die puer circumcidetur, vt ab originali peccato liberaretur. vnde scriptum in lege: (g) Homo qui octaua die circumcisus non fuerit, persicet de populo suo. (h) Iubaudi, æternaliter. Et alia auctoritas dicit, quod infans unius diei non est sine peccato. (i) Sed, si Christus sicut quilibet alius in iniquitatibus conceptus esset, & in

(a) Ezechielis 44. supra. (b) Isaiae 66. 1. (c) Ieremias 23. v. 24. (d) Isaiae 45. supra. Isaiae 53. (e) Psal. 50. (f) Exodi 48. (g) Leuit. 12. (h) Iob. 14. v. 4. secundum LXX. Interpretes.

& in peccatis mater eum p̄cep̄isset, quid ab alio difficeret? quomodo liber inter mortuos existet solus? quomodo generatio eius inenarrabilis diceretur? Sed generationem eius ideo ob̄stupuit, & inenarrabilem dixit Isaia, quia neque in iniquitate mater eum concepit, neque in peccatis peperit; & ideo inter mortuos liber solus extitit: ergo, quia sine peccato conceptus est, sine vitili semine conceptus est, & sic mater eius eum sine peccato concepit; ergo cum virum in concipiendo non cognouit, in concipiendo, virgo permanxit. Et ideo quia Christus tuit sine peccato; hominem potuit liberare à peccato. Et quia omnis homo obnoxius erat peccato originali & pro prævaricazione primi parentis alto Dei decreto, post mortem, anima descendebat ad inferos; oportu num erat ut per Christum ab inferis liberaretur genus humanum, & per Christum in cælum reuertetur.

CAPUT XIX.

Quibus authoritatibus probatur quod omnes antē Christi aduentum ad inferos descendebant, & quod necessarium fuit ad reducendum genus humanum, ut Deus hominem assumeret, & sibi mortem subiiceret.

Quod autem omnes animæ antē Christi aduentum, ad infernum descendebant, multiplex probat authoritas. Ait Iacob: (a) Descendam ad inferos lugens Filium meum. Et alibi ad Filios suos ait: (b) Deducetis canos meos cum dolore ad inferos. Vnde B. Iob, cui (domino teste) (c) Non erat vir similis in terra: infernus domus mea est, & in tenebris stravi lectulum meum. (d) Tamen, liberationis sp̄e erectus, paulo post addidit: (e) Scio quod Redemptor meus vivit, & in nouissimo de terra surrecturus sum, & in carne mea videbo Deum Salvatorem meum. Qui Redemptorem testatur, venundatum siue captiuatum esse, & redemptum esse non inficiatur. audi & Beatum David: (f) Deus redimet animam meam de manu inferi, cum accepterit me, & acceptam ab inferno animam, & redimendam dicit ab inferno. Vnde & alibi exultans dicit: (g) Domine eduxisti ab inferno animam meam, saluasti me à descendentibus in lacum. Cui dicit, eduxisti, sanasti me, nisi ei de quo in alio psalmo dicit, (h) Iter facite ei qui ascendit super occum, Dominus nomen illi; & quoniam solus super occulum ascendere noluit, audi quid subditur: (i) Ascendi in altum, cepisti captiuitatem, dediti dona hominibus. Ezechias quoque moriturus ait: [k] Ego dixi, in dimidio dierum meorum vadam ad portas inferi. Et postea subdit: [l] tu autem eruisti animam meam ut non periret. Hæc inquam, spes iustorum erat tunc morientium. Nemo ergo in cælum ascendebat, sed omnes qui tunc moriebantur descendebant ad infernum. Ne ergo homo in æternum periret, restituī hominem oportebat; restitui autem non poterat, nisi Deus hominem assumeret, necessitatem nostram subiret, contra aduersarium causidicus noster existaret, & nostræ actionis negotium agens in fuadendo, iustæ rationis iudicio aduersarium excutiens, causam nostram finiret.

Hhh 2 posse,

(a) Gen. 37. v. 35. (b) Gen. 42. & 44. (c) Iob 2. v. 3. (d) Iob. 17. v. 13. (e) Iob. 19. v. 25. (f) Psal. 48. (g) Psal. 9. 24. (h) Psal. 97. 5. (i) Ibidem. v. 19. (k) Isaia 38. 10. (l) Ibidem, v. 17.

posset, cum Angelis homo par creatus esset, non natura, sed rationis, & concessa libertatis gratia; ergo quia soli Deo creatori obnoxius erat, ad eundem libertatis statum, seu per hominem seu per Angelum restitui non valebat. A quo enim quis a seruitute redimitur, ei ad seruendum obnoxius esse iudicatur. Quia ergo per alium plena hominis restitutio fieri non valebat, necesse fuit ut creator creaturæ subueniret, creaturam creator subiret, ut per ipsum creatorem homo restitutus, soli creatori ad seruendum obnoxius esset, & hostis iurisdictionem super humanum genus amitteret. Nil ergo in Christo suum hostis inuenierat, qui neque in iniquitatibus conceptus erat, neque in peccatis partus fuerat, neque ullam proutus peccati maculam viuendo contraxerat. Quia ergo præsumptio fuit iniusta, cum mors inualidum in quo nihil reperit, & in quo nihil omnino iuris habebat, iure amisit eam iurisdictionem, quam peccato primi Parentis, in hominem primum, eiusque posteritatem obtinuerat. Mors itaque Christi, peccati originalis apud Patrem hostia & propitiatio fuit. Primo, quod humani generis plena & integra restitutio extitit, referatus est in eius obitu paradysi aditus, remotus est ille gladius versatilis & flammeus, cum in crucis patibulo moriens, & affixus, ait ad Latronem: (a) *Hodie mecum eris in paradyso*. Tunc quoque adimplerum est, quod dictum est in Osee: (b) *O mori ero mors tua, mors tuum ero in inferno*. Igitur illius restitutio nostra Sacramentum in Prophetis habebamus promissum, aliquando per rerum figuram, aliquando per verborum enigmata; aliquando euidenti & aperta promulgatione. Primis illis temporibus loquens Deus ad Abraham de hoc Sacramento, ait: (c) *In semine tuo benedicentur omnes gentes terra*. Quando viri-

rum vniuersum genus humanum sub maledictione primi Parentis oppressum, per eum ab illo maledicto absolvitur, & benedictioni atque gratia priori restituitur: nam in Isaac gens benedicta non est villa, nulla gens ditioni eius subiecta fuisse legitur. In David vero & Salomon, qui Regibus terræ illius fortiores & potentiores extiterunt, quomodo gentes benedicitur, cum omnes circumquaque, praeter Iudaicam, eis aduerteret, & contra eos semper dimicantes fuere? De successoribus eorum Regno fugatis, captiuis, exhaeredatis, frustra mentione villa haberetur. In Christo iam restat ut haec intelligantur, & intellecta omnibus modis adimpleantur. Alibi etiam dicit Authoritas: *Qui eduxisti vincitos de lacu in quo non erat aqua*.

CAPUT XX.

Quibus authoritatibus probatur, quod Christus passus sit ad nos liberandum, & peccata nostra delendum.

Quod autem Christus passus sit ad nos liberandum, & peccata nostra delendum, multæ asserunt authoritates. Legitur enim in psalmo: (d) *Dominus regnauit a ligno*. Hoc lignum vocatur crux dominica, per quam Christus in nobis regnauit per gratiam. Isaia etiam ait: (e) *Et ascendit sicut virgultum coram eo, & sicut radix de terra sicutienti, & non est ei neque decor, unde nec reputavimus eum: vere languores nostros ipse tulit, & dolores nostros ipse portauit; ipse enim vulneratus est propter delicta nostra, atritus est propter scelerata nostra, disciplina pacis nostra super eum, liuore eius sanati sumus omnes, nosque oves errauimus, unusquisque nostrum in viam suam declinauit, & Dominus posuit in eo iniquitatem omnium nostrum, oblatus est quia ipse voluit, & non aperuit os suum*. De angustia & de iudicio sublatus

(a) Luce 23.v.43. (b) Osea, 13.v.14. (c) Gen. 26.v.4. (d) Psal. 95.v.10 secundum LXX. Interpretis (e) Isaie 53. à versu 2. vsque ad 11.

tus est, generationem eius quis enarrabit? præpterea dabit impios pro sepultura, & diuites pro morte sua, eo quod iniuriam non fecit, nec inuentus est dolus in ore eius, & voluntas eius in manu Domini dirigetur. Hoc torum ad Christum refertur. Ascendebat Christus tanquam virgultum, quando proficiebat ætatem & sapientiam apud Deum & homines. Verè languores nostros ipse fulit, id est, abstulit; & dolores nostros ipse porravit, id est, asportavit. Ipse enim vulneratus est propter delicta nostra, attritus est propter scelerata nostra. Et quoniam viuenda haec propriâ voluntate non coactus pertulit, idecirco adiecit: oblatus est quia ipse voluit, & non aperuit os suum. Hoc idem assumpta hominis esse videratur, cetera quæ sequuntur, hominem excedunt, & solius Dei sunt: de angustia & de iudicio sublatus est, quia mortuus, ab ipsa morte detineri non potuit, cuius generatio est inenarrabilis. Quomodo enim Deus consubstantialem Filium ex se gignat ante tempora, & semper, quis enarrabit? quomodo prædestinatis temporibus ex matre sine virili semine homo creatus sit, & eum Deus absumperit in unitate Personæ, quis enarrabit? Propter scelus quidem non suum, sed populi mei, percuti eum. Quid enim sceleris admisit, qui peccatum non fecit? nec inuentus est dolus in ore eius? Et in psalmo legitur: [a] Foderunt manus meas & pedes meos, dinumerauerunt omnia ossa mea.

CAPUT XXI.

Quibus autoritatibus probatur, quod Christus verè resurrexit à mortuis, & ad celos ascendit.

DE Resurrectione etiam Christi multa à Sacra Scripturâ habemus testimonia. Ait

(a) Psal. 21. v. 17. (b) Osea 6. (c) Psal. 56. & Psal. 107. (d) Psal. 1. c. (e) Psal. 67. (f) Psal. 18. v. 7. (g) Isaia 63. (h) Psal. 23. 8.

Oleas: [b] Duobus diebus riuiscabit nos, & post duos dies suscitabit nos. Quod apertius testimonium de passione & morte Christi, & resurrectione? item in psalmo introducitur Filius loquens ad carnem suam; [c] Exurge gloria mea, exurge psalterium & cythara, &c. [d] Gloriam suam vocat Christus humanam naturam suam, in qua glorificatus est, in qua gloriola egit. Eandem vocat Psalterium, quantum ad carnis glorificationem, & ascensionem, quia psalterium resonat à superiori. Eandem vocat cytharam, propter passiones quas humana Christi natura sustinuit, quia cythara resonat ab interiori. Et in psalmo ait Christus; [e] Quoniam non dabitis sanctum tuum videre corruptionem. Et alibi: Et restituuit caro mea. De eius Ascensione legitur: [f] Ascendit in altum, captiuam duxit captiuitatem. Hic insinuatur, quod Christus ascendit in celum, & duxit secum animas Sanctorum, quæ prius captiuata tenebantur in inferno. De eadem Christi ascensione alibi legitur: [g] A summo celo egressio eius, & occursum eius usque ad summum eius. Et in dialogo Isaiae, ubi introducuntur Angeli admirantes Christi Ascensionem: [h] Quis est iste qui venit de Edom, tinctus vestibus de Bostra? Et in psalmo: Quis est iste Rex gloria? Dominus fortis & potens, Dominus potens in p[re]lio. Hæc contra Iudeorum errores dicta sufficiant.

Explicit Liber Tertius
contra Iudeos.

Hhh 3

INCI-